



Dawladda Hoose ee Seattle  
Gregory J. Nickels, Duqa Magaalada

## WARBIXIN

### Warbixin degdeg ah

Juunyo 20, 2007

Xiriirka: Marty McOmber, 684-8358 ama 423-4541 (moobeyl)  
[martin.mcomber@seattle.gov](mailto:martin.mcomber@seattle.gov)  
Haddis Tadesse, 684-8119  
[haddis.tadesse@seattle.gov](mailto:haddis.tadesse@seattle.gov)

### Duqa Magaalada ayaa ku dhawaaqay kordhinta adeegyada loogu talagalay dadka hijrada ku yimid iyo qaxootiga

*Adeegyada turjubaanka oo dheeraad ah, fursadaha tababarka ganacsiga iyo taageerada bulshada ku saleysan*

SEATTLE – Duqa Magaalada Greg Nickels ayaa maanta waxaa uu ku dhawaaqay tallaaboooyinka ay Seattle ka qaadanayso sida loo horumarinaayo adeegyada loogu talagalay dadweynaha sii kordhaya ee ku yimid hijrada iyo qaxootiga. Horumarinta adeegyada turjubaanka, gargaarka farsamada ee loogu talagalay ganacsiyada ay leeyihii dadka soo haajiray, helitaanka deeqda magaalada iyo guddi latalineed ee xoogga saaraya arrimaha hijrada iyo qaxootiga ayaa ah qaar ka mid ah qorshaha waxqabadka ee duqa magaalada.

“Inkastoo tirada kordhaysa ee dadka qaxootiga iyo hijrada ku imaanaya Seattle ay yihiin dad ka yimid meelo badan oo caalamka ka tirsan, waxaa ay wadaagaan ahmiyadda ay dalkaan uga sameysanayaan nolol cusub oo ka fiican sidii hore,” ayuu yiri Nickels. “Waxaan ballan ku qaadayaa in wax laga qabto caqabada hor taagan nolosha fiican iyo xaqijinta in magaaladani ay si siman ugu adeegto dhammaan dadweynaha ku nool. Dhammaantennu waannu ka faa’idaynaa haddii aan si wadajir ah ugu wada tirsanahay.”

“Waxaannu qaxootiga iyo dadka hijrada ku yimid ku soo dhaweynaynaa Seattle. Waxaa ay sitaan firfircooni hor leh, rabitaan waxbarasho iyo shaqo si ay noloshooda u hagaajiyaan,” ayuu yiri Tom Rasmussen, oo ah xubin ka tirsan Golaha, guddoomiyaha Guddiga Caafimaadka iyo Adeegyada Dadweynaha iyo Guriyeenta. “Seattle waxaa ay ka shaqeyn doontaa sidii loo ciribtiri lahaa caqabada horaagan dadaalka ay ku horumarayaan.”

“Waxaannu ku faraxsanahay in magaalada ay ku dhawaaqday qorshahaan muuhimka ah ee wax loogu qabanayo qaxootiga iyo dadka hijrada ku yimid” ayeey tiri Pramila Jaypal, oo ah guddoomiyaha iyo agaasimaha guud ee Hate Free Zone. “Magaaladu waxaa ay taageero muhiim ah hore ugu qabatay qaxootiga iyo dadka hijrada ku yimid, sida ka mamnuucidda shaqaalaha dawladda hoose – oo ay ku jiraan saraakiisha booliiska – in ay dadka weydiyaan sharciga ay dalka ku joogaan iyo in ay aqbalaan noocyada kale e aqoonsiga, tus. kaarka aqoonsiga Meksikaanka. Dawladda hoose waxaa ay ayidday codsiga guud ahaan dib loogu habeynayo sharciyada hijrada. Bulshadeena waxaa ay hore u codsan jirtay qorshe waxqabad leh oo kani la mid ah, oo ay ka mid tahay qaybta cusub ee Guddiga Latalinta Qaxootiga iyo Hijrada, sidaa darteed waxaannu Aad ugu faraxsanahay in aan aragno dawladda hoose oo daacad ka ah baahida loo qabo in bulshada hijrada ku timid ay si hagaagsan u helaan adeegyada dawladda hoose .”

--in dheeraad ah--

**Duqa Magaalada ayaa ku dhawaaqay kordhintaa adeegyada loogu talagalay dadka hijrada ku yimid  
iyo qaxootiga  
Juunyo 20, 2007  
Bogga 2 ee 3**

Iyadoo ay keentay xorriyadda iyo fursadaha laga helo Mareykanka, tobanaan kun oo qaxooti iyo dad ka soo haajiray caalamka ayaa Seattle ka dhigtay deegaankoodii. Tirakoobka Mareykanka ee sannadka 2000, ayaa tilmaamaya in Seattle ay deggan yihiin qiyaastii 100,000 qofood oo ajnabi ah oo ka kala yimid dhowr dal oo kala duwan. Haddii xawlighaa isku beddelayo dadweynaha uu sii socdo, waxaa Seattle ku noolaan doona illaa 120,000 dad ajnabi ah sanadka 2010, oo ah qiyaasta boqolkiiba 20 ee dadka Seattle ku nool sannadka 2010.

Seattle waxaa ay ku hawlan tahay horumarinta ka qayb qaadashada qaxootiga iyo dadka hijrada ku yimid ee ay si buuxda uga qayb qaadanayaan dhaqaalaha, bulshada iyo nolosha magaalada. Sannadkii 2005, waxaa ay dawladda hoose ku kharash gareysay \$7.4 malyan 75 barnaamijyo bartirmaameed ah oo lagu qabanayey latalinta iyo taageerada qoyska, waxbarashada iyo adeegyada barashada af Ingiriiska, macluumaadka iyo baaqa lagu gaaraayo dadweynaha. Dawladda hoose waxaa ay ogsoon tahay in ay tahay in ay wax dheeraad ah qabato. Kaddib marka uu aqoonsaday baahida loo qabo xelad guud oo si fiican loogu adeego dadka ku nool seattle ee ay aqoontooda af Ingiriiska yar tahay, Nickels waxaa uu soo saaray Warbixinta iyo Qorshaha Waxqabadka Qaxootiga iyo Hijrada.

Qorshaha waxaa uu tilmaamayaa arrimaha iyo waxqabadka la xiriira:

- Helitaanka adeegyada iyo macluumaadka
- Dhawritaanka iyo xuquuqda shacabka
- Waajibaadka nolosha magaalada
- Cududda shaqaalaha iyo horumarka dhaqaalaha
- Qabashada adeegga

Ra'yi ay bixiyeen xubnaha ka tirsan bulshada Seattle ee qaxootiga iyo dadka hijrada ku yimid, shaqaalaha dawladda hoose, madaxda bulshada iyo hay'adaha adeegga ayaa ka caawiyey qaab u yeelidda qorshahaan. Iyo, maadaama Seattle aysan ahayn magaalada kaliya ee arrintani haysata, saraakiisha dawladda hoose ayaa sidoo kale eegay waxyaabaha ay dawlada hoose ee kale ay ka qabtaan baahida bulshadooda qaxootiga iyo kuwa hijrada ku yimid.

Dawladda hoose ayaa haatan qabta adeegyada turjubaanka ee xagga taleefoonka waxaana ay ka wadaan laba ka mid ah xarumaha adeegyada xaafadaha – Lake City iyo Southeast Seattle barnaamij lagu tijaabinaayo hawla turjubaanka. Iyadoo la isticmaalaayo taleefoono gaar ah, waxaa la helayaa turjubaanno caawiya macaamiisha booqanaya xarumahan adeegyada.

Toddobaadkii hore, Nickels waxaa uu ku dhawaaqay xafiiska cusub ee dib loogu magacaabay Hoggaanka Adeegga Macmiilka (oo hore loo yiqin Hoggaanka Adeegga Shacabka) ayaa haatan noqonaya barta hore ee lagula xiriirayo qaxootiga iyo dadka hijrada ku yimid ee doonaya adeegyada dawladda hoose. Turjubaanno xag taleefoon ah ayeey helayaan dadka soo waca 684-CITY (2489) ama soo booqda xafiiska hoggaanka ee magaalada hoose.

Dawladda hoose waxaa ay sameyn doontaa Guddiga Latalinta Hijrada iyo Qaxootiga iyo Golaha Magaalada si ay duqa magaalada iyo Golaha Magaalada ugala taliyaan arrimo taagan. Guddiga ayaa la filayaa in ay qabtaan kulankooda ugu horreeya bisha Sebtembar. Tani ayaa tunaale ka ah qorshaha

dawladda hoose ay ku horumarinayso dadaalka ay ugu baaqayso bulshada qaxootiga iyo kuwa hijrada ku yimid.

--in dheeraad ah--

Intaasi waxaa dheer, dawladda hoose waxaa ay iskaashi kala yeelan doontaa xubnaha bulshada ka tirsan si loo sameeyo maadooyin gaar ah ee lagu baranaayo sharciyada iyo dhaqannada Mareykanka iyo xirfadda af Ingiriiska, iyadoo la heli doono caawinaad ku aaddan xagga jinsiyadda iyo fursadaha lagu helaayo tababarka shaqooyinka, oo ay dadka hijrada ku yimid heli karaan. Seattle ayaa sidoo kale u fududeyn doonta hay'adaha yar ee ay maamulaan qaxootiga iyo dadka soo haajiray in ay deeq soo dalbadaan si ay wax uga qabtaan baahida bulshadooda. Dawladda Hoose waxaa ay qorshaynaysaa in wada shaqeeyn ay kala yeelato bulshada ka timid Bariga Afrika xagga qiimeynta baahida bulshada iyo xoojinta awoodda baahida wax looga qabanaayo.

Sannadkan horraantiisa, duqa magaalada waxaa uu saxiiyay go'aan maamul ee lagu horumarinaayo adeegyada turjubaanka ee magaalada oo idil. Tusaale ahaan, waxaa uu farayaa in la turjumo dukumeentiyada muhiimka ah, sida micneynta adeegyada magaalada, foomamka ashtakada iyo oggolaashada, ogeysiiska xuquuqda, iyo ogeysiiska gargaarka bilaashka ah ee luqadaha Isbaanish, Fiyetnaam, Kaantooniis, Mandariin, Soomaali, Tagalog iyo Kuuriyaan. Kuwani ayaa ah luqadaha ee ay ku hadlaan dad badan ee Seattle ku nool.

Qaab hawleedka cusub ee hawlaха turjubaanka waxaa uu kaamilayaa bogga internetka ee dawladda hoose oo laga helo tusmada dukumeentiyada oo lagu tarjumay hal ama dhowr luqadood. Shan iyo labaatan luqadood ayaa halkaasi ku yaal. Sannadkii 2006, dawladda hoose waxaa ay hagaajisay helitaanka adeegyada turjubaanka ee waaxyada gudahooda. Shaqaalahu ku hadla luqadaha kala duwan ayaa iska diiwaan geliya si ay uga mid noqdaan “Kaydka Luqadaha Shaqaalahu,” kaasoo ay ku taxan yihii kuwa awooda u leh in ay muddada soke ka caawiyaan, baahida degdegga ah ee luqadda ee ay qabaan dadka doonaya in ay helaan adeegyada iyo barnaamijada dawladda hoose.

Qorshaha duqa magaalada waxaad ka eegi kartaa bogga internetka:  
<http://www.seattle.gov/mayor/issues/rsji/I&RInitiative.htm>

Waxaad heshaa aragtida gudaha ee duqa magaalada ee tallaabooyinka lagu horumarinaayo gaadiidka, amniga dadweynaha, fursadda dhaqaalaha iyo caafimaadka bulshada adigoo isku qora bogga internetka [www.seattle.gov/mayor/newsletter\\_signup.htm](http://www.seattle.gov/mayor/newsletter_signup.htm) si aad u heshid The Nickels Newsletter (Wargeyska Nickels).

# # #